

May 24, 2021 Kamanwelth Day

Bileez: Wan a 54 konchri eena di Kamanwelt

May 24 da Kamanwelt day—weh sohn kaal Sovrin Day er eevn Kween Bertday (sins di taim wen da-mi Kween Victoria bertday). Dis da paat a weh wi mi rait fi di Kriol *Wikipedia* websait wi mi-di werk pan wid Mista Vicente Costalago: Bileez da wahn memba a di Kyaribeeyan Kamyooniti (CARICOM), di Kamyooniti a Latin Amerikan ahn Kyaribeeyan Staytz (CELAC), ahn di Sentral Amerikan Intigrayshan Sistim (SICA). Bileez da di oanli konchri fu bilanz tu aal chree a dehnya aaganizayshan. Pahn tap, Bileez deh eena di Kamanwelt, wid Kween Ilizabet II az di kween ahn hed a stayt. Bot di kween da hed a stayt eena taitl oanli. Di Kween liv da Ingran. Wahn Govna-Jenral reprizent di Kween eena Bileez. Da di minista dehn weh deh eena Kyabinet hoo mek palisi. Dehn advaiz di Govna-Jenral, ahn da di Praim Minista a Bileez hoo hed op di Kyabinet. Di Kamanwelt eena 2021 ga 54 konchri membaship (da-mi 53 wen Maldeevz (*Maldives*) mi jrap owt, bot ih jain bak een sins 2020). Dehnya konchri deh eena foa paat a di werl: Ayzha (*Asia*), Yoorop (*Europe*), Pasifik (*Pacific*), ahn di Amerikaz (*Americas*). Biloa da di teerteen konchri dehn a di Amerikaz weh deh eena di Kamanwelt.

English

Antigua and Barbuda
The Bahamas
Barbados
Belize
Canada
Dominica
Grenada
Guyana
Jamaica
Saint Kitts and Nevis
Saint Lucia
Saint Vincent and the Grenadines
Trinidad and Tobago

Kriol

Anteega ahn Barbooda
Di Bahaamaz
Barbaydoz
Bileez
Kyanada
Dominika
Grinayda
Gayaana
Jumayka
Saynt Kits ahn Neevis
Saynt Loosha
Saynt Vinsent ahn di Grenadeenz
Trinidad ahn Tubaygo